

雙藤書屋詩集

九卷至十二卷



830036

雙藤書屋詩集卷九 丁巳年至己未

靈石

何道生

立之感

時帆祭酒考辨李文正故宅在今之北城俗所謂李廣橋者正之曰李公橋而當日所謂西涯即今之積水潭作文記之甚博且辨既而繪圖作詩並摹文正手友圖中小像裝于幘首出示索詩輒題二十韻

甲申制

惠山集

灑灑一潭水亭亭萬柄蓮攜壺曾燕集展卷重流連往事餘陳蹟遺文考昔賢西涯題詠在北闕景光偏寫像疑金鑄分吟訝錦聯舊聞增曰下遐想入雲邇勝代三綱墜維公大節全中官威歛極門客走趨便黨盡歸芳綵章難挽健遷和羹推妙手碩果賸華顛斗極文章柄中樞黜陟權維持存正色調劑獨仔肩倘共諸君去誰將一綫延恐成甘露禍不異濁流年伴食寧譏

雙藤書屋詩集卷九

耳捫心肯惘然寸衷唯向日晚歲竟回天故宅落迹址平橋柳帶煙搜奇逢祭酒得意等忘筌我亦欽撫范因之証簡編龔堂慚接武聊附畫圖傳

題定軒侍御踏雪訪梅小照

一白到天地微微聞暗香意行無遠近心境頓清涼縹緲遊僊界光明選佛場此時發高唱應不讓襄陽

稚存以弟喪乞假南還詩以送之四首

翩然鴻爪下

三天投劾歸耕負郭田多少雲溪舊屠釣都來平地看神僊去官名恰為期功此誼猶存漢代風文苑儒林兼孝友千秋史筆合推公

相訪常停問字車一朝放手感搏沙步兵自愛江東住不為秋

風始憶家

詩場酒戶總輸君
交訂忘年誼獨殷
後日相思寄何處
迢迢燕草與江雲

前詩意有未盡再賦一律

柳花時節雨冥冥
唱徹驪歌不忍聽
世仰斯文阿閣鳳
君援小雅在原鶴
髣緣哀樂中年白
眼到家山一倍青
後會丁寧定何日
扁舟遲我樣舟亭

闌中次韻冶亭宗伯

鐵保

和馬秋藥比部野花二首

不與羣芳譜牒同
天然翹秀出蒿蓬
參差牧笛漁簑外
點綴雞棲鶴柴中
得子商量拋藥臼
有香收拾到薰籠
生平久謝栽培力
長養惟憑習習風

也宜葱蒨也宜殘
不入餅盆不入闌
野處匿來稱秀易
花身修到有名難
勾將春色三分淡
畫出荒村一倍寒
莫道無人能賞識
蹇驢馱我幾回看

雙藤葛星詩集卷九

二

送伊墨卿出守惠州四首

十載西曹說望郎
故山追憶七千強
一麾天許從鄰郡
五馬頒春過五羊

曾傳勾漏爲僊吏
更有東坡作寓公
好奉高堂尋舊跡
定從丹竈得新功

欲還珠浦今無術
敢酌貪泉古有人
君到羅浮最宜稱
兩山風骨共嶙峋

羨君口眼多奇福
不獨專城海外尊
飽啖絳襦三百顆
醉看縞袂幾黃昏

磚門雜興戲柬蔣礪堂前輩
依韻
四首

分司棘院各西東境况蕭寥儼禹公身到真閒僧入定詩逢勅敵將貪功軟紅久謝塵三斗大白時拚酒一中但祝龍門燒尾

日兩家桃李嫁春風時兩家門下士應試者各七十餘人

職事無多等抱關累他菜把送園官辟人剩有行張蓋留客先

教食益單談久燭頻花一穗睡濃日易影三竿朝來忽睹春華

麗半樹丁香隔壁看

四間屋聚幾多人藩溷庖厨色色陳曉聽瘦雞號落月夜驚飢

鼠鬪承塵安心是藥閒方覺無夢還家懶益真莫怪菲材竟樗

散金門小隱已三旬

奎堂舊夢未模糊恰似神山海一隅君憶七年餘幻影我慚三

宿過浮屠君於癸丑春分校一次而余四為鄉試同考官臺端新署南東道文福真分

大小巫君為江南道余為山東道皆新資而君四十五直省鄉試所幸同官皆臭味且從酬

雙藤書屋詩集卷九

三

唱破工夫

四月幾聖王蘭泉侍郎和將歸青浦出三泖漁莊圖索詩

輒題五言三十韻卽以贈行

卿月懸三省歸雲傍五湖時方需幹濟公早卧菰蘆白傅今編

集終軍昔棄繻平生多感慨往事幾崎嶇憶自金川役曾陪玉

帳趨破碣憑智勇出塞飽艱虞磨盾專飛檄持籌佐握樞田狐

占獲矢天狗墮彎弧飲至功旋策酬庸擢每殊換階移印綬請

急託藁鱸書庫文千軸漁莊水一區門迎圓泖綠艇載小篷烏

風雨留賓飯煙波狎釣徒集碑均德甫著論等潛夫儵忽天驚

墜傳聞

帝乃徂攀髯前世有失且此心孤雪涕從裝束星奔卽道途

形裳瞻

黼席白首伏青蒲我

后憂勞極惟臣痛憤俱西南猶盜賊黔赤豈狼獾頭足應相球
瘡痍久未蘇急趨期入蔡遠慮厓平吳造膝謀何孰攻心策更
紆放還因佚老敷奏待陳謨爾烽煙埽依然翰墨娛權歌翻
水調鏡吹洗巴歛舊羨幽棲境新披縮本圖索題何懇款惜別
况踟蹰當代誰真隱先生果宿儒高歌忘爛漫聊以和驪駒

題楊甫瀝波舫近文

天馬行空不受鞿方今文筆似君稀就中信史堪千古兩故將

軍兩布衣

明二楊將軍傳華亭
二布衣傳尤爲傑作

題楊甫瀝波舫近詩

官非遷謫偏濱海人到中年易酒悲千古證盟坡集在一生最
好惠州詩

雙藤書屋詩集卷九

四

祝蘭坡侍讀曾觀察秦中出安陽山寺讀書圖索題走筆

作歌卽以贈行

君不見安陽韓稚圭曾以讀書作名相西人聞之心膽寒坐鎮
邊庭復名將男兒墮地果何爲要與前賢志相抗君本讀書安
陽山一旦致身在民上

九重方切西顧憂直指從來資保鄣秦川迢迢千里餘傳聞板
屋無寧居風霆雨露待手布莫教人道書生迂書生自昔甘藜
藿孤寺荒寒此身託於今迴首畫中山獨讓閒雲住邱壑期君
努力學韓公生面他年畫麟閣

題陳穀水孝廉

師濂

穀水舊廬圖

卜築湖山二百載湖水清冷山硯礪世間勝境雖云多若論鉅
觀此爲海我方羨君得所棲君云我思別有在不畫西湖畫穀

水此語乍聞頗疑駭讀君詩乃識君心硬語橫空石礫礫君家
遠祖住蘭溪做廬想像依崔嵬久居福地本身安忽慕他山計
旋改龍門靈洞棄如遺羅宅沈樓詠還每乍看西子喜欲狂偶
話東陽意應悔君今繼述特神奇尺幅居然舊山買水雲眼底
現冥濛樓閣空中摹爽塏人生何處非蘧廬鴻爪從來任真宰
漫將雞鶩苦較量須識乾坤一傀儡時之所值卽甘飴境所難
臻皆苦費吾儕且樂見在身詩酒隨緣總瀟灑我墮軟紅廿五
年豈不懷歸賴排解披圖忽復作卧遊恍逐煙波聽欸乃行當
買棹入西泠遂訪蘭溪擷芳莖

秋夜同姚根重孝廉

持衡

對酌讀竹葉庵詩感舊有作

秋氣何蕭寥夜境益深穆燈光涼於水人影瘦如竹此時坐清
寔相對話往復論詩憶故人開編評且讀引杯興遏雲擊節聲

雙齋詩集卷九

五

撼屋或爲拊掌笑或幾失聲哭有味妙生辣著語戒輒熟此豈
關別才端由所蘊蓄生性苟不敦其臭詎能馥我昔稱石交文
讌記徵逐每聞匡鼎說如醉公瑾麴直諒而多聞朋輩中所獨
惜哉相見晚蕭然髮已禿逝者不可留光景駛轉轂腹痛俄十
年墓草知幾宿君未見斯人者好頗同僕遺編一再哦其人儼
在目吁嗟不慙遺天年奪胡速夜深百蟲響感舊淚盈掬世人
尙新聲妄意生謗譁同好得二三什襲等尸祝論定非阿私行
當重鍔木

七夕立秋風雨沓至陰晴不定趙味辛舍人寓齋小飲

金風玉露乍伶俖碧落銀河愈杳冥樹向雨餘飄一葉人從雲
隙認雙星巧原應乞無如懶聲爲何來不可聽賴有主人能好

客良宵沈醉幾曾醒

七月晦日萬廉山大令

承紀

借吳壽庭吏部寓齋招集同人

人有作

堂皇四敞卷蝦鬚此地涼於水一隅殘暑漸同僧退院華筵却
請客監廚綠苔茸厚當階滑紅蓼花低倩竹扶消受秋陰拚酌
酌離歌且莫唱驪駒

時廉山將有
江南之行

送馮玉圃給諫歸無錫卽次留別韻三首

陽羨歸耕負郭田新詩好繼鈍吟編衣冠樸雅推先輩裙屐風
流擬列僊黃葉江邨催棹返白頭兄弟喜牀聯平泉花木須營
置大可優游到百年

得閒那復覺微疴無恙支帆逐去波舊夢依稀縈畫省壯懷慷慨
寄鏡歌濟時才亟需舟楫憂

國人偏老澗阿我最素餐慚報稱朝衫也合換漁蓑

雙藤書屋詩集卷九

六

衡文記昔共奎垣交訂忘年意獨敦倡和連篇爭險韻談諧間
作倒清樽才名豈但時流伏直諒還看古誼存欲賦驪駒倍惆
悵素心何日更重論

送萬廉山大令之官江南

鯁生讀書苦迂窒正坐生平不讀律填曾萬卷果何爲試手一
官苦無術萬君年少多壯游出佐諸侯畫機密醉騎生馬蹴陣
雲下馬磨盾快揮筆飛書草檄腕不停橫槊賦詩興何逸黔楚
連營七百里搜捕頑苗布羅罟苗頑如虎恃負嶠大礮轟山彈
丸疾硬弩毒箭落驟雨猛向耳邊飛一一君時挺立佐指揮餘
子聞聲或股栗功成長揖謝上公策蹇歸來理殘帙夙昔愛書
兼愛詩更愛丹青志專壹興來秃筆埽溪藤萬疊雲山一時畢
矯如壯士盤蛇矛快若老將騁叱撥曾中奇氣到腕中戈戟森

森指間出男兒事業要有時天肯斯人老蓬華屢從秋賦不得志腰褱偏難部婁軼幡然改計作貲郎佐餉何妨輸百鎰長安需次縮墨綬於我投分勝膠漆美冠玉本如陳平曳落河還笑劉秩一朝江左急需才特簡

恩綸下溫室方今川楚作不靖

王赫斯怒戎行詰君才磊落合從軍却到江鄉計胡失雖然江淮亦重鎮端須保障資寧謐巖疆得君作卧治如履萬間奠以磧我爲百里得人賀君喜高堂迎養佚人生萬事不可知宦迹浮游更難必如君才器不易逢雲霄會有升騰日送君累日與君語此意豈專爲親暱期君治民如卜侯異政他年我能述

德藹亭總管慶邂逅相遇投分卽深談讌累日並邀遊田盤諸勝賦詩報謝

雙藤亭詩集卷九

七

意外獲幽賞逢君信夙因與山爲地主對客任天真談笑無凡語馳驅媿此身牙齋一尊酒風義重雷陳

宿感化寺

子春遺跡盡紺宇倚山阿磬響出嵐翠落花封徑蘿高松同佛瘦過客比僧多信宿雲房靜鴻泥感逝波

千相寺聽雪閣小坐

九華不可躋千相幸能到羊腸劣容跣馬足慄初蹈山風屢褰裳松枝時挂帽沙圓布徑滑磴危倚壁奧畏縮幾返轡鼓勇恃前導寺樓俄隱見人語乍呼噪到眼千石圍森森樹旗纛或橫若橋支或覆若屋冒裂肖樹榭槎瑩媿玉圭瑁山閣小靜對塵襟滌矜躁茗香裊爐煙松吹雜泉瀑冥想造物奇物奇那由造多事鑿佛人混沌坐凋耗一相不可名况以千相號持此問山

僧惜然不吾告

古中盤慧因寺

鑿石通道盤修蛇松根猛攫伸杈枒萬樹糾結翠蒼鬱兩崖峭
立青嶺呀峰勢不受松撐拄松身欲與峰盤拏松石抱固作屏
障琳宮帖妥當其窪入門危磴起百級當階老蘚封三义五松
俯仰若拱揖一石搖動驚欹斜禪堂晝靜攬軒敞山僧忽遇相
要遮坐定翻覺山氣逼檐端飛墮青蓮花蓮花萼跗銜接杳無
際對之神聳不敢譁絕壁東時儼對壘突兀萬古撐煙霞紫蓋
繹卓立更縹緲絕頂想必僊所家中盤之勝此刹最何必更爾
窮幽遐會當面壁飽山翠十年牢結雙趺跡

少林寺

中盤至少林由束折而下藍輿步流沙予予不可罷正俯躬踣

雙聯詩卷九

人

跼忽仰面驚訝瞬息俯仰間豁日見臺榭仄徑倩石扶迴廊繚
空架四山嵐氣濃一堦日光射遠眺衆石詭岌業吁可怕蟒身
橫林間蟒菱角刺巖罅菱角龍池或久湮紅龍池已帳房儼可
舍帳房遺跡自古昔稱名例假借奇妙本無似底用故誇詫石
生此山間幸為椎鑿赦勉強立名號無乃類嘲罵僧雛頗解事
瀹茗石泉瀉引勝談上方漸佳等噉蔗游興不得嬾奇峯又前
迓

東竺庵

欲問上方路先從東竺經石空成丈室因石松偃可中庭庭有
甚古問樹饒奇種千條松鳳尾烹茶憩小亭翛然遠塵慮於此息

勞形

上方寺

茲山石本無盡藏盤礴鬱積不可當深林巨壑互包裹倏爾一躍千丈強峯形礪礪儼龍象巧借樹作之而張或如鳥翼矯乍展萬古不墜猶飛揚峯奇松更弄奇峴一一拏攫蛟蚪僵併力撐拄出顛頂似欲割破蒼天蒼上方古寺餘舊址結構恰好當中央收攬煙靄入戶闌差排巖岫爲垣墻位置安帖有如此謂非天巧誰能襄寂無一僧首駐錫恐有山精來跳梁悄然當階坐脅息仰視萬笏爭迴翔我聞黃山有峯號始信或者此境能相方蘿懸峭壁半閃赤日斜高嶺深塗黃欲留不可去不忍游心直欲窮鴻荒歸途追躡摹心語口奇句乙乙抽枯腸自涯而返紀自此時再裏山中糧

送姚根重游杭

歲籥已云暮先生胡遠遊江湖遲歸棹風雪滿征裘才大難爲

用心空不解愁孤山梅萬樹到日好勾留

靈石 何道生 立之

新城途次遇雪

我行纔兩日雨雪忽相侵
客子歎中夜農歌多好音
天寒增遠道霧重失前林
于役吾生久長懷叱馭心

除夕過河間喜晤太守姚佃芝前輩
梁留飲別後却寄三首

今歲餘今日相逢奈別何
風饕兼雪虐對酒忽當歌
身世奔馳慣生平感慨多
牙齋聊稅駕那復惜顏酡

聖主憂勞極吾儕報稱難
擬將寸衷潔剖與萬人看
風俗還淳亟精神別蠹殫
相期在官口總莫厭寒酸

良晤真難得王程敢逗遛
暫為河朔飲終作魯齊游
甲子中途改詩篇隔歲酬
他時重過從握手倍綢繆

雙藤書屋詩集卷十

至沛寧喜晤黃小松司馬

易

先生本書生汲古得要領
識字有深功探奇自孤秉
矩步雖蹣跚吐辭劇清鯁
平生所讀書大義日星炳
餘事擅書畫筆力善馳騁
我心儀之久茲行覲胡幸
憶昔歲癸丑合并在詩境
至今燈燭光猶記三人影
癸丑歲見君於潭溪先生之詩境
軒共談者君與宜泉及余三人也荏苒八年間
不得一造請去年見君書展玩
祇俄頃此日見君面狂喜失寒
冷握手意温然俗慮頓為屏

小松司馬於南旺途次枉饋酒肴賦詩報謝

我職河渠書我志金石錄
何期遇雙井熊魚兼所欲
天幸已難靳君意猶未足
遺我一尊酒清醇勝醞醑
肴烝出家庖雋味異凡俗
舉世尚苞苴奇珍等醜毒
豈我衣食易愛君風義篤
再拜

而登之重比仁者粟獨酌遂陶然渾忘酒禍酷閱君督治工照
我鬚眉綠汶流暢且清灑灑寒玉緬維宋公績期君爲繼續
上元日閱河至東昌夜宿城內

淡月濛濛不肯明濁醪灑灑自爲傾燈前形影涼於水墻外笙
歌沸若羹馬長差欣頭未白魚勞竊恐尾先頰深宵獨坐紆籌
策那得還鄉夢更成

題黃小松岱巖覽古廿四圖

兩峯圖岱宗筆力頗雄驚卷表十尺餘勢欲五岳冒我昔曾題
詞束縛困豪暴至今篋衍藏過眼塵跡掃竭來沛水上持節眎
轉漕江夏夙所欽把臂劇傾倒示我廿四圖岱宗昔親造每當
境絕奇輒以畫自勞節節貌厥神層層抉其奧軒窗走煙嵐几
研濕飛瀑巖巒各競秀松檜森兀傲我行疏泉源諸峯擬躬蹈

雙松書畫詩集卷十

二

山靈尙未識卧游恍已到天遣豪翰精示我以先導畫筆本所
欣游屐尤夙好嗜竟熊兼魚喜欲纓絕帽却念兩峯子年不躋
耄耄好手讓君獨中原樹旗纛餘子走且偃顛仆那敢媚他年
兩圖傳合併比圭瑁

小蓬萊閣觀碑圖爲小松題

此圖索詩今八年逋夙諾如逋金錢癸丑歲小松
卽寄冊索題小蓬萊閣魂
夢牽茲獲躬造寧非天沛流繞城清且漣典午暑近城南偏先
生宴坐手欲拚古碑千紙相周旋訂殘補闕証史編爬搜直突
歐洪前武祠畫像霏雲煙石經文字陳榼邇起秦漢訖元都燕
冊以萬計目四千鑒別眞贋分媿妍較若列肩何連娟賞奇析
疑良朋緣李髯桂叟鐵橋丸
未谷執弭鞭偶有闕佚終必全烟墨奔湊
蟻附羶鬼相神勞人無權始知物聚由好專不須禳禱祈天憐

我慚識字耕研田，凡將爰歷窺陳篇。皆古空懷丹與鉛，所見不
廣徒拘戀。多君傾倒夔憐，蚊虻廣場恣我爲。敷政摩挲，掌如親搗蠟
璫。會悟如忽忘蹄筌，如貧賈入都市。壓如乞兒，廁賓初筵口不
能語。惟流涎此圖，况復筆勢翩。純古淡泊殊，雕鐫讀碑讀畫屢
舞僊。題句栩栩來，豪顛火速作歌書。之賤償逋，聊贖吾前愆。

題小松所藏自巢民姬人金圓玉女史手製貼瓣梅花便
面三首

不須殺粉與傳神，却把眞身作幻身。身爲問幾生，修得到落花剛
遇散花人。

水繪園林蔓草荒，居然留得樹頭香。紅窗小試拈花手，想見織
織指爪長。

飄茵墮溷本難同，慧業偏能奪化工。歎息人生無汝壽，百年依

舊笑春風

沈筆泉次壁間韻

中爲文水堂後爲三賢祠祀李杜賀三公像

墨花髻鬢漾方池，恰好三賢共一祠。文水新堂沿故蹟，勝游異
代羨同時。心先欲醉非關酒，人果能傳不係詩。狂客謫僊兼稷
高當年寥落竟誰知。

嶧縣十里泉

清極如無水珍珠，汨汨跳溪聲喧隔岸。苔色上平橋，小有園林
勝堪爲隱逸。招榻來烹茗坐，塵慮灑然消。

闕泉至泰安喜晤松雲夫子別後寄呈二首

絳帳經年役夢魂，却因持節得師門。心源久媿淵泉澗，頭地眞
同泰岳尊。苦說歸田緣底事，不教遠宦卽君恩。
師先授滇之東川以母老面陳改授泰安實異數也二東正待爲霖手，膚寸雲行徧

牙齋商畧舊吟詩坐久當杯酒不辭兩文談勝十日飲百年心
感一人知藍輿蠟屐留陳迹禪榻茶煙憶往時無那簡書太匆
迫征車門外促離思

登岱二首

盤紆石磴迴凌空直上飄然儼御風瀑練爭飛深澗曲松濤夾
瀉亂雲中坪過御帳千峯合逕指天門一綫通到此心魂俱肅
穆維東誰不凜專雄

到頂方知托體尊舉頭直欲九天捫神威赫赫奔黔首氣象巖
巖壓厚坤大野蒼茫歸指掌羣山匍匐總兒孫填胸壘塊森盤
鬱却借層雲一吐吞

開河雨泊招小松小飲

雙蕪集詩集卷十

四

暫維舟處雨瀟瀟岸柳風絲故故飄箸籠分魚湖口市釘鞵沽
酒牖頭橋閒憑棐几添晨潤倦倚匡牀聽晚潮寄語隔船黃司
馬肯來小飲共今宵

讀朱青湖處士

彭抱山堂詩集竟輒題二絕句

幾人詩派衍西泠貪讀奇書少性靈獨向孤山發孤唱么絃幽
韻有誰聽

奪得湖山清氣來蓬蒿不合老斯才如何玉潤耽風雅也似同

岑却異苔

馬秋藥青湖軒也論詩與青湖不合

李鐵橋上舍

東琪

有金石癖於乾隆乙未夏四月從濟寧

學宮松根下得漢膠東令王君廟門碑小松作得石圖舟

中出示索詩為題長句

濟寧李君真好古夢與膠東令君語侵曉獨撫蒼髯翁濤聲颯

颯逗秋雨忍驚片石露顛頂漢代文章入黃土作使奮鋪速出
之心所欲觀天果子摩挲拍手叫奇絕松鬚松鱗助飛舞蛟螭
勢挾風雷升鳥獸形殊茯苓煮苔花千載不敢蝕字字珠璣折
釵股戟門古碑本森立待此碑來後天補東京石墨聚須臾半
夜精靈相爾汝紀年我時方十齡識籀遺文究詛楚何期廿載
走黃塵沛上俄焉此圖睹碑雖未覲神已飛畫欲重撫勇難賈
黃君累日聯舟行茗椀清談聽邪許興酣落筆題此詞不惜松
腴飲蒼鼠

舟中寄懷惕甫二首

春船搖漾坐空濛待暈情懷最惱公有力無如建瓴水不賁還
藉飽帆風從容晚泊教添纜破損朝眠聽洗篷旬日舟行四百
里江湖滋味已胷中

雙藤真說集卷十

五

心交忽忽念漚波圓湖邊儼阿柳下蜻蛉呼渡便花間蝴蝶
上階多照梓苜蓿貧非病放櫂菰蘆醉卽歌兩地相思擘牋
寫雙魚通訊託長河

岱廟飛來松歌

岱廟古松千百章就中一樹尤殊常飛來作號疑失實目睹始
識非荒唐老樹挺立十丈彊鱗甲滑碧鬚蒼橫枝撐拒若張
蓋當晝不漏羲和光忽一枝垂勢若墮欲墮不墮空中翔矯如
神龍見尾不見首攫拏霧雨之而張又如飛鳥欲下轉上聳爪
距倒卷秋風長是一是二莫究詰如塗塗附難參詳想當秦時
海上鞭石走飛空草木俱蒼皇一枝失勢忽落此倔強不共凡
材僵老幹肯學女蘿附廣庇且作幽虬藏遂令奇跡駭人世異
事傳說經千霜靈宮我來媿匆促唐槐漢柏訪未遑摩挲到此

不忍去天風颯颯披襟當何當消夏結趺坐飽聽濤翠鳴虛廊
但愁六丁下取復飛去雷雨忽至增傍徨

三月十一日土橋大風雨作

大塊有真氣併力付一噫孤枕醒奔騰扁舟撼滂湃飛雨猛於
鏃凜冽吁可怪老樹怒而吼如人久類齟狂瀾距躍起頓覺隄
岸隘萬籟困暴豪千艘阻行邁長纜恐難繫輕帆詎能挂倘隨
逝波去一吐那能嘔嗟余歷川塗垂堂心屢戒每遇好風日駛
行劇清快微命安足賭用東坡句乃爾逞狡獪篙師但困卧如鳥翻
遭鍛鼓蕩不少休伊誰職鑪鞴連檣正飛挽止若左驂絰孰能
破巨浪雲夢渺帶芥讀易緬涉川臨風獨長唱

妝域二十韻并序

按趙谷林愛日堂詩集妝域聯句序妝域者形圓如璧徑四寸

雙齋詩集卷十

六

以象牙爲之面平鏤以樹石人物丹碧粲然背微隆起作坐龍
蟠屈狀旁刻妝域二小字楷法精謹當背中央凸處置鐵鍼僅
及寸界以局手旋之使鍼卓立輪轉如飛復以袖拂則久不
能停踰局者有罰相傳爲前代官人角勝之戲如武林舊事所
載千千日下舊聞放空鐘之類云云庚申二月在濟上小松司
馬招集小蓬萊閣出示二枚一枚雕漆飾朱旁刻嘉靖年造字
極工背心凸起自能旋轉不置鐵鍼一枚以象牙爲之製度與
谷林所紋正同但不飾丹碧無妝域二字耳二枚中雕漆者尤
爲精緻非近工所能也紀以五言二百字

永巷花媽晝香愞篆裏春曉妝初罷鏡嬉戲舒巾捧出朱顏
好攘來皓腕頻突鬪憐月子宛轉捷風輪鬋質雕鏤銛鋒斷
削新中心碁局似界道宿躔均拂拭應難定迴環怕偶迤響煩

金釧促影颭翠鈿勾盤走珠依樣規圓璧寫真周遭旋蟻磨晷
刻驗烏跋漏箭消停夜空鐘罷放晨得心還應手小負合微瞋
嘉靖遺鐫字良工等勒珉偶然逃劫火竟爾墮風塵別有龍蟠
製材維象齒珍轉憑鍼卓立錯謝采珮璘數典惟旁証徵名自
昔人同時歸寶格異代合延津典午開清閼佳辰集隱麟摩挲
多古意琢句媿彬彬

登太白樓

我吟太白詩縹緲凌雲煙我登太白樓髮髯攜謫僊謫僊一去
杳何許茲樓寂寞經千年騎龍弄鳳誰復爾突兀孤峙高城巔
俯視萬瓦密無縫仰看一氣穹而圓風帆葉葉駛於鳥目窮直
到飛霞邇此時我與誰周旋李耶賀耶來蹁躑酖顏醉態儼未
醒而我不飲胡樂焉世間萬事祇一瞬斜陽閃閃催棲鳶富貴
常在水流北此語至實非狂顛忽憶謫僊奇東魯五畝宅據樓
之前平陽伯禽共嬉戲一株桃拂青煙妍桃花經今化飛雨惟
餘老柳吹輕絲後有游者字子美清秋曾進城隅船簿公好客
頗解事同看洗馬聽鳴蟬吁嗟數子俱落拓今可證者惟遺編
興酣竟欲呼起起相與共話滄桑田明月悄然入窗戶當時會
照諸公筵攬之盈手不可駐屋梁顏色心茫然

題陸朗夫先生山水二首

岱巖我正憶躋攀忽漫披圖壯觀還髮鬢支筇奇絕處二天門
上對松山

渾淪元氣本胷中落墨方能肖化工却笑人爭談筆訣不知難
處祇空濛

朗夫先生誓墓圖爲令子古愚主簿題

讀公示兒書得公之行事

公有示兒家書十通多言在官事

觀公誓墓圖識公

之所志志苟不素定肯以事嘗試要由學養深非倉卒可至世人貴苟得志卑氣愈肆試問身何來能不忝所自公心曠如日炯炯洞幽隧讀書靡不綜祇重忠孝字跪拜儀不嘗懇欸辭默致永抱冰淵衷以承簪紱

賜始終竟一節餘慶逮賢嗣至今所治民言之尚涕泗嗟余生也晚不獲隅坐侍相期共勉旃庶不負垂示

台莊晤漕帥鐵冶亭先生枉過出示見懷之作奉酬四首

清風扇淮甸習習徧閭閻我躬勤飛挽長河小滯淹恩威孚衆口興趣寄吟髯迴首論文地心仍一介嚴

聖朝多碩輔督漕數清江此日誰能繼如公信可雙力爭真面返苦戰衆魔降指顧雲帆速連檣達

雙藤書屋詩集卷十

八

帝邦

鰕生叨共濟自笑一籌無清白酬

明主拘迂媿腐儒持身巖屋漏防弊劇穿箭不遇知音賞長吟興亦孤

握手一爲笑相看雨不猜坐深杯茗淡語久砌花開茅屋風生竹蒲帆雨趁梅忻然數晨夕鄭重此沿洄

聞出守九江之命

已慚持節轉儲胥忽忝

恩綸綰郡符子舍乖違踰歲月宦游飄蕩又江湖人言作吏中年好我媿匡時一策無預想琵琶亭畔路繞城苦竹與黃蘆

奏懇入覲蒙 恩俞允感賦

豈有才名動

主知免教

引對上

形墀

恩綸特閔馳驅苦散木終期樸斲施敢憚王程千里遠竟承
天聽九重卑趨
朝兼慰趨庭願感極翻教涕淚垂

秋日舟中卽事

身世頻年賦遠游萍踪更遣寄扁舟濤頭夜長常疑雨帆脚風
多易感秋黍葉暗遮隄外路蓼花紅露驛邊樓喜無公事煩料
理靜倚篷窗聽櫂謳

雨泊鄭家口

西風催鼓棹片雨忽中流檐溜侵窗格炊煙濕舵樓漲添半篙

雙藤屋詩集卷十

九

綠響急一簑秋且作菰蘆伴荒墟小滯留

雙藤書屋詩集卷十一 庚申年至癸亥

靈石 何道生 立之

將之九江留別都門諸朋舊三首

沛上經年使節還，治裝又賃潞河船。
飽更寒暑天南北，小閱關河路十千。
意外我真成俗吏，眼中人盡是神僊。
長安迴首空惆悵，無限心情落照邊。

十載鸛鸞逐隊行，一麾天遣到江城。
扁舟獨往愁羈旅，祖席連番媿友生。
秋雨蕭涼催別思，陰蟲凄切感離情。

國門重入知何日，拚盡諸公酒數觥。

相攜無鶴有雙琴，白水吾曾證此心。
拆韞綫雖慚製錦，焦桐材肯負知音。
何時竟了三千牘，一介先嚴暮夜金。
留語東華諸伴，侶出山終遜入山深。

雙藤書屋詩集卷十一

到郡

重鎮雄繁控上游，山城巖業枕江流。
匡廬面目欣初識，彭蠡風煙宛舊遊。
白傅移船逃故址，庾公舒嘯有高樓。
路人共羨專城少，轉媿生平學未優。

庾樓登眺

庾公登眺處，俯檻豁雙眸。
煙樹連三戶，江聲聚一樓。
客心隨去鴈，宦跡感扁舟。
那更增惆悵，蒼茫起櫂謳。

老婦

欲整花鈿怯鬢絲，淡粧濃抹總非宜。
青紅滿眼兒孫樂，却憶當年未嫁時。

擬唐人宮人入道二首

多生無分效鸞皇，且逐空山獨鶴翔。
肯放紅顏修白業，承恩何

減侍昭陽

拋殘珠翠黯雲鴉道服新裁豔紫霞猶有君恩忘不得守官親
與注丹砂

小遊僊二首

蓬山能到總前緣莫怪王喬太少年迴首邯鄲風雪裏有人苦
戀枕中天

雲間月斧響丁丁七寶光寒十二城辛苦長須持玉杵幾時靈
藥搗方成

五日琵琶亭同田酒齋司馬文龍二首

四面闌干四面風孤亭掩映綠楊中樂天何必逢商婦病守酒
堪學醉翁宦海升沈應有定歡場感慨易無窮及時且盡今朝
興莫放蒲觴一滴空

雙藤草堂詩集卷十一

二

小築綠垣水一隈風煙極目遠天開山容作障圍僧榻帆影如
弓落酒杯塵夢久隨春草歇詩懷剛被雨聲催青衫司馬多情
甚却遣青衣擲笛來

不寐口占

簾紋滑笏帳煙青本欲沈酣却易醒夢短祇疑更太永愁多翻
怨酒無靈生憎促織聲如雨起擁孤衾髣欲星剩有詩腸猶未
斷吟成苦倩只離聽只離髮
神名也

寄懷幕友杜石笥奇齡二首

牙齋晨夕喜盤桓半載盟心凜歲寒地有江山堪作主生來情
性不宜官抽帆助我收身早判牘多君用法寬好寄詩筒通問
訊草堂花竹報平安

君家家法本祁公老客諸侯甫也同畫紙鴻妻容替月時獨與
小星儔

萬南能詩驥子定追風令子能文時應浙中秋試研田歲有千鍾入酒國時
教百榼空憶否歡場徵逐處琵琶亭子水當中

秋海棠

斷盡柔腸只剩魂誰將小字種愁根蜀花紅豔湘竿碧千古難
消是淚痕

留別田司馬二首

行踪泛泛兩浮萍君髻成絲我尙青別淚已教衫袖濕不須更
遣四絃聽

我去輕于一葉雲香爐峯頂共氤氳他時魂夢頻來此半爲匡
廬半爲君

留別邵霜橋方伯二首

郎曹昔忝逐清班山斗今茲始識韓

惟廉書屋詩集卷十一

三

國倚名儒爲岳牧家傳舊學本甘盤謂令祖學址先生匡廬對面千霄

峻章貢盟心徹底寒一片丹誠乎

簡在徵書行降五雲端

鰕生請急返蒿萊孤負春風煦育來吏欲持廉差免俗身偏抱
病况無才親闈久隔心頻動宦海初游志已灰多謝放隨鷗鳥
去江湖浩蕩首重迴

慈仁寺三松歌用漁洋雙松韻同松雲師作

雙松久化爲雙龍松子墮地仍生松參偶爲三勢離立交柯偃
蓋青濛濛閱世經今百餘載舊游剩有詩篇在從知孫貌祖能
同究竟桃僵李難代梵宮鐘磬幽且深賴爾補作蒼龍吟霜雪
雖繁愈蔥鬱炎曦不漏恒懋森詰屈盤迴相背向直幹還如筆
初放支離疏自得天全鱗之而欲拏雲上何當趺坐寶闌邊濤

聲聒耳鳴飛泉不壞身憑堅固力長青色映玻璃天徘徊不覺
夕陰起太息流光亦何駛駐景難尋千歲苓乘車且訪赤松子
送松雲師出守徐州二首

劇郡江南第一程

九重特簡爲蒼生波濤險祇憑忠信惠澤深還化鬪爭騎竹望

應歸郭伋前守江寧飛花句早

識韓翃尚憶及師考差舊句上黃樓舊蹟分明在坡老子今有繼

聲

長安再踏軟紅塵依舊禪房習淨因時仍寓法源寺劇喜雙林宜結夏

却催五馬又頒春千秋形勝專城寄郡城舊名千秋五十年華奉母身

一語祝公應默許還

朝早晚被

雙藤草堂詩集卷十一

四

恩綸

定軒先生出示慕堂裕軒圖幣兩先生戒壇合祀圖冊索

題二首

花牓探花日曾登李郭舟年華驚水逝杖履憶風流憶甲辰乙巳之間會

侍兩先生二兩地松阡隔同龕粟主留從來禪悅意應戀此巖

幽

劇想蠟吾屐心香炷佛燈攬身捫絕壁飛步躡危藤此日欣看

畫前身或是僧秋深紅葉路竟擬縛行縲

題一粟上人解關圖并序

一粟上人楚人也參訪名山倦於行脚以庚申之秋閉關于長

椿寺拜華嚴經一字一拜凡三易寒暑癸亥初冬行滿解關僧

衆靡不歎仰法侶野雲山人繪圖徵詩余意上人力超上乘已

悟真空何必增此一重公案然感彼精勤嗟余塵土有不能已
于言者輒爲題句饒舌之訶知不免耳

一關納納如山亭一僧默默中誦經一字一佛一禮拜千八十
日無時停功成行滿若飛舉出關仰見青天青當其晏坐對木
佛幻妄倏忽來無形衆魔伺隙障白室六賊穴壁窺幽庭閉目
隱隱見虎豹入耳往往驚風霆泡影起滅萬萬變顛倒夢想滄
淵淳師也端有宿慧在定力把握能常惺豎精進幢若拔戟戰
修羅兵如澆螢力敵諸妄頓粉碎收拾方寸歸虛靈萬衆歎息
繼悲涕勞生大夢何由醒嗟余于世亦一粟浮沉苦海同漂萍
讀書粗可作文字學佛未得辭羶腥日飲米汁拜賈島牽纏那
得超畦町會當從師結趺坐刮洗耳目祛眵睛雖然吾聞善閉
不關鍵門戶何必加緘扃心太平時卽淨土身安樂處皆黃寧
持此請師下轉語願聆千偈如翻餅

雙藤書屋詩集卷十一

五

移竹圖爲時帆題

年來彌勒久同龕興趣真成七不堪誰伴冷吟居研北此君倚
醉到花南萬夫夜影供驅使一院秋聲喜借探詩畫漫言摹李
沈祇緣臭味許相參

李西涯舊有移竹圖石田筆也

次韻時帆西山詩十九首

并序

癸亥八月偕同人遍游西山余爲日記未有詩也已而時帆出
示紀游諸作乃不免見獵之喜遂仿元白故事一一次韻得十
九首非欲鬪奇亦聊以紀雪泥鴻爪耳

次樓村道中

遠邨嵐影已青蒼肯憚驅車道阻長古轍半因荒草廢新場多
爲晚禾忙客心遠與山無盡地氣暄如日載陽欲紀首塗閒景

物幾番覓句繞迴廊

入孤山口

入山不見山但覺多煙樹灣環水瀉溪犖石當路車馬所不通
吾將杖藜去却從行脚初預想安身處靄靄風日和迢迢澗
谷度仰視天際峯妮媁髻鬢露如穿九曲珠不逃三里霧登高
必自卑努力此初赴

接待庵小憩

空山寂無人小語輒響答行行徑欲窮却喜禪關踏秋花繡佛
壇老蘚上僧衲法門信寬大游客罔不納燥吻潤烹泉倦趾快
跌榻精進心益堅他念不容雜漸佳抵飲酒何須倒壺榼

發汗嶺

處平易爲逸處險不辭憊嗟峨嶺勢危努力向前邁柳栗助我
行有若償夙債捷疾羨鳥飛攀援學猿挂俯瞰不測淵歷劫那
能屈天風吹林莽幽響恍相戒虛警凜空嵌歡悵愜奇隘汗出
不可止寒疾或當瘥

雲梯上方寺

極目到雲際一庵迸山縫盤旋綫路開宛轉階級送懸纒手輔
足四體莫敢縱鼠穴一與一當關孰能開俄頃躋厥顛豁若醒
大夢笑揖雲中君吾將躡飛鞚

兜率寺

初地寂衆籟一僧語夕陽嵐光莽迴互殿吻何軒昂遊屐已可
止游興殊未央當門詩碣古布地幽花香環望衆佛刹嵌空如
蜂房大璫解好名石墨遺修廡何當一磨洗完此片石光

後廊有明

止宿文殊院

逢人問僧居導我一枝竹老樹蔽禪關秋花壓茅屋木瓜拂檐
青香蘇布階熟九人各無猜一龕可同宿真覺萬緣空那復諸
妄瀆開尊米汁清真香鼻觀觸醉卧不關門松月映床綠

觀音堂

曳杖出門去四山真濛中雨脚細於綫從以習習風小刹絕修
整留憩僉謀同衆木森鬱蓄中有孤梅叢荒寒山所擅靈秀茲
獨鍾根蓼信天賦培溉辭人功惜尙未蓓蕾安知白與紅花時
約重訪昌雪支吾筇

華嚴龕

華嚴古靜者趺坐有遺跡精誠感造化闢此作安宅盤盤突厦
廣朗朗虛室白風雨不到處可容百游客我來坐良久題名龕
左右他年倘住此一庵當再闢

雙藤星詩集卷十一

七

一斗泉

石泉下淙泓石厂上橫出其狀類斧鑿其理異石質雕鏤累萬
形炫耀雜五色壯觀擬飛雲坐對可終日謂點之飛雲嫩始悟繫龍尾
恐茲靈境失奇雲與石鬪峭石入雲直誰能寫真形當禿萬枝
筆有庵僧不居咄哉真鈍賊

中院尋天開寺遺碑

碑爲元延祐虎兒年護持寺田文字

荒荒蔓草坡當時布金地殘碑三摩挲知是天開寺已無莊嚴
形猶有護持字垂誠擬勒銘皈依若委贄曾幾虎兒年漉漫苔
花漬寒暑倘更闕應共石麟睡

歸宿懷德草堂

百里不裹糧了無行旅苦豈其解辟穀所賴有賢主策蹇覓歸

途安穩勝帆艣剪燭更作畫山氣飽一吐筆力喜驟增茲游豈
小補

雲居寺

窈窕白帶山秋深萬紅樹石橋枯澗橫知是雲居路像設何莊
歲水竹有清趣篁韻祛煩襟泉聲生妙悟石塔遺唐碑堅比五
金鑄圓蒲息倦跌寒蔬供饌具雲房雖暫憩已覺洗沈痼

別懷德草堂留贈潛夫秀才

玉衡兼示徐竹崖進士

變陳閻致堂舉人 慈二首

潛夫敦篤人出處有至性松枝結新交山石砥高行文府富討
探席珍待徵聘澹然忘世炎山色照心淨嗟余性迂拙出語媿
粗硬交君如飲醇可以愈宿病臨行留此詩期君直諒評

徐公住城北翩翩固佳士閻公若驂靳相與有真意導我入深

雙藤雲居詩集卷十一

八

山游屐徧諸寺每聆抵掌談不異讀山志豪宕恣雄詞瑣屑紀
幽事鏘冶諸家言如金入鑪鞴相期汗漫游他年再三至

發次樓歷梨花坎抵戒壇宿

驅車去山村步步與山背詎知背山去又復入山內天寒日易
斜徑荒轍多廢青帘招客來枳籬一犬吠行行抵戒壇犖确山
石碎下車易肩輿勇往不知退鬱鬱蒼苟林楚楚芻蕘隊莊嚴
仰佛慈疎散容我輩雲山多幻形水月鮮定態奇松作之而遠
峯列眉黛山僧默無言焚香靜相對

由戒壇抵潭柘寺

山徑清風多衣袂紛墮葉深紅絢柿林涼翠認松鬣峯頭屯奇
雲潭影寫圓月入寺聞幽香孤芳媚寒蝶傑構千雲霄宏規擬
宮闕靈根毓銀杏山厨擷拳蕨梵誦何喧闐入耳轉寧帖會當

初地住庶幾始願愜回首塵中人狂奔幾時歇

猗玕亭新竹

詰曲一縷泉檀欒萬竿竹洗我耳根清照人衣袂綠解籜雖幼
穉挺節儼尊宿大者筆真放小者本如縮何須更參禪卽此可
醫俗從僧乞圓蒲吾將趺雙足

方丈院殘桂

昔我居江鄉中庭矗雙桂無隱香飽聞不凋葉表異枝幹何扶
疎風月益光霽至今開筍篋香猶在衣袂茲山覩盆植到眼覺
瑣細僧言此最珍行將窟室閉

靈石 何道生 立之

送王儕嶠侍御出守衛輝二首

烏衣雅望重烏臺驄馬乘餘五馬催

帝爲宣防資碩畫天將盤錯試奇才

時衛郡方被河患

魚龍勢已騰霄

怒鴻雁聲防集澤哀撫字端應藉經術朝歌民氣仗栽培

我亦曾叨綰郡符當官自媿術全無僅能持已爲廉吏未免教

人笑腐儒腹有雷霆須奮發手施雨露好沾濡他年衛政誰兄

弟追媿河南第一吳

十二月十九日東坡生日同人集雙藤書屋展拜笠履遺

像以李委吹笛詩分韻賦詩得頭字吹字二首

南飛孤鶴致牢愁一刹那間七百年自昔奎垣圖位業祇今御

雙藤書屋詩集卷十二

氣想周游文章駐世天心月坎壈纏身水向漚下界無人更吹

笛九疑遙望且低頭

要知赤壁爭傳賦正賴烏臺苦讞詩磨蝎尾難身後螫飛鴻爪

却畫前遺子雲舍裏歸途像紗縠行中墮地時我輩年年作清

供好同蜡臘習幽吹

濮陽策蹇圖爲李載園州牧符清題

宰官本是騎驢客懶上肩輿看山色吏胥那識宰官身大笠籠

頭策蹇人宰官策蹇今無有異事爭傳萬人口何人更爲作此

圖一片詩境雲模糊此時游戲大三昧載得新詩滿驢背我識

君詩近十年丰姿想見如謫僊榻來始得識君面細看不容把

雷電電光倏忽幾經秋眼中卷中人不侔相見恨晚索題句我

喜神交快相遇他年君倘尹長安恕我騎驢衝長官

次韻馬秋藥移家

卜居僻巷幾經春劇喜移家境地新
靠樹軒窗涼似水界花籬落矮於人
更無北轍過門所居在城外為極南却有西山對戶親
相訪最便宜緩步不衫不履任吾真

送馬秋藥光祿督學陝甘

帝念關中學斯文

命爾衡山河迴寥濶盜賊罷縱橫
帶水詩懷繫蓮峯畫筆爭士風須整頓
莫但恃涇清

君未長安去余先歸故山何時持虎節
一笑歛柴關行李聊堪憩離愁得暫刪
倘能留信宿揮壁寫屏顏

送徐南村同年森守寶慶

望郎刺大州濩落萬里外處高不自潤
腰圍屢移帶官瘠民自

雙藤書屋詩集卷上

二

肥政成考居最隨輩計年勞一麾變旌旆
由刑部主事刺楚南

地稍近亦與三苗界苗民豈不良往者肆
狡獪是在司牧人牧

羊去其害君年近六旬精力未甚憊所願
專拊循未須窮變怪

我年當龍鍾蘇詩龍鍾三十九心力已摧敗
半席未暇暖一嚮不成嘍

昔為五馬驅今甘六鷁退時方求降補京員君行索我詩
敢以忠告對

君寧無藥言韋絃我當佩

題野雲山人祭硯圖

山人食硯二十年屢豐不異耕腴田耕之
不已硯欲穿穿硯腹

乃充君籩君籩有食必祭先計功硯乃君
之天不豐厥報寧非

愆歲云暮矣風淒然紙窗竹屋靜且便不
聞打戶催租錢但見

鐵材充棟堆青氈揮之灑之成雲煙青山
俄頃生毫顛世人購

覓爭來前青蚨盆集如流泉童僕走送頰
兩肩長安窮者方僵

眼窮年屹屹空懷鉛五鬼不肯乘其船山人鼓腹恒便殘膏
往往沾饑涎硯兮功德真無邊得魚胡可遂忘筌祭詩例可援
浪僂乃設清供鋪長筵香煙拂拂花娟娟賸以酒茗芟葷羶靴
躬再拜仍擎拳祝詞媿媿洪河懸惟硯與我常周旋惟我與硯
宜明虔中書秀輒成棄捐松滋短則難磨研惟硯久久逾貞堅
筆墨那得分其權祝爾壽命踰彭錢石交終始吾能全乞硯神
聖非乞憐結翰墨緣殊俗緣自今伊始歲其有有舉莫廢祀典
恒絲延

暮春下浣之官寧夏途次述懷却寄家人並柬京中諸朋
好十首

年來却掃謝紛華靜裏工夫覺漸加大白偶浮因作草精藍頗
訪爲看花時從對戶偷詩格船每向比鄰借畫義野如此索居

雙藤峯詩集卷十二

三

殊不惡爭教拋却走風沙

役役名場二十秋侵尋華髮上吾頭辱軀乍喜瞻

雙闕

申命俄驚領大州臆對臣甘飛退鷁

恩言

帝靳拙藏鳩祗慚文弱書生筆難向邊陲展一籌召對時

崇三勉令供職溫諭再

憶簪白筆點清班忝列

朝廷耳目官但學雞棲焚草諫敢同鷹鷂肆薰彈換階忽遣憑
熊軾奉使深慙負豸冠半載江州成底事星奔羸得涕汎瀾

從此親幃仰母慈承顏時奉北堂卮護花獨茂朋三壽荆樹駢
榮萃六枝永晝消閒葉子戲深宵圍坐鼓兒詞如何遽作牽裾

別眷戀春暉淚暗滋

阿兄早歲共飛騰臺秩新除又我曾新除山東道卅載相依真手足一番話別異親朋為憐病酒教剛制兼恐疎才任不勝惆悵廣寧門外路幾回回首望

觚稜

有弟都如玉樹行家風不佩紫羅囊宗窗夜靜宜温卷章幔春深好奉觴至樂一庭聯骨肉大文六籍助笙簧更憐季也聰明到憶我猶應夢朔方

祖席連番媿友生

庚申出都時舊句也當時舊句愴重賡

吏將蛩駘相憐

意爭寫驪駒惜別聲

同人以詩文贈行者甚賤早歲登科原不幸

中年學佛

又無成窮邊一去知何日日下雲龍再合并

鴻案相莊廿載過昔年新婦久成婆料量鍼黹憐孫少擘書齋

雙藤屋詩集卷土

四

鹽賴汝多對雪曾教風絮咏挑鐙爭記木蘭歌皆紀閩中實事經年小

別尋常慣此別其如太遠何

接武雲遠喜阿咸與余同歲脫襤衫稱心文字旋風筆唾手功

名下水帆麟角鳳毛真不易梅兄礬弟况非凡謂大三兩姪計程待

到中州日盼汝泥金帖一械次姪炳彝以甲子科舉京兆試時

候春闈榜發

兩兒頭角亦崢嶸別後丁寧重寄聲聰聽要能繩祖武叨書何

止博科名漫言歲入饒千石須識家傳祇百城我是清時窮

塞主貽謀慎莫望金籬

北河楊椒山先生祠

舊宅留燕市遺祠近故鄉清時隆俎楹當日醅桁楊窺獄同三

字爰書借二王徘徊瞻像設憑弔意蒼涼

再出

宦海頻年得壯游，把麾曾憶到江州。孤帆獨往三千里，一水平分上下流。五柳蹟荒陶令宅，大江聲聚庾公樓。而今再出成何味，贏得征塵滿敝裘。

題壁

趙北燕南地，經行暮復朝。曙星雞唱逼，斜日馬嘶驕。雙堠還雙堠，長橋更短橋。吹煙蛙兩部，吹雪柳千條。樹密知村近，天低覺路遙。草香清似露，麥氣潤於潮。幾處茶亭設，三家酒旆招。詩多欵枕得，夢穩任車搖。行役真無那，微吟不自聊。晚投人處宿，揮壁寫長譟。

嵇侍中祠

謾謾松風到耳喧，侍中廟貌屹郊原。孤臣久矢臨危節，孱主猶

雙藤書屋詩集卷上

五

哀澣血，寃投鼠，竟無人忌器。立雞本異鶴，乘軒分明高貴鄉。公例司馬家兒，却自援。

孟縣雨渡黃河

萬里下崑崙，奔濤束孟門。風聲兼雨急，波勢挾沙渾。地劃三秦險，名推四瀆尊。方舟輕利涉，東注想無垠。

洛陽

雄繁都會冠河南，歲遠難將舊蹟探。伊闕有山仍積翠，名園無地况伽藍。雲連秦隴蓮華秀，雨足郊原麥氣酣。欲訪落花花信杳，北邙松柏晚參覃。

函谷關

陸行劇寥澗，忽爾隘天宇。修塗壑赴蛇，逼處穴鬪鼠。土堅樹根鞏，石裂蘚花補。仰瞻漏罅光，旁睨碍環堵。豁達抵關門，始識日

亭午此險信天設三秦作門戶當年幾蠻觸一夫扼龍虎草木
血沾濡羣塲骨撐拄方今偃戈甲居人藝稷黍控制得綱維邊
陲若廓廡萬里斷烽煙二陵自風雨驅車發浩歌無煩髀肉拊

潼關

峻函綫路繞羊腸巖業雄關四扇張一畫鴻溝秦晉豫幾番龍
戰漢隋唐時平戍卒忘鼙鼓地險耕疇拾箭槍最喜青山迎馬
首三峯天外鬱蒼蒼

華陰廟望華山作

名山作鎮本嶙峋廟貌森嚴更絕倫位業尊原參五岳峯巒多
欲滿三秦碑銘久已傳天壤松柏都會閩古人登眺無緣蠟雙
屐金天應笑我風塵

寄題馬嵬二絕句

雙藤集詩集卷十一

六

莫改開元政與臣延秋底事竟蒙塵六軍不敢君王怨却怨楊
家善女人

楊花得意儘飛揚轉瞬沾泥委道旁爭似樓東一株雪不知雨
露不知霜

邠州

控制西陲古重邊女墻迤邐接青天對城山列門前障負郭人
耕屋上田眼底川原多黍稌胸中兵甲久雲煙夕陽依舊周家
好問俗遐思七月篇

邠州禮大佛寺觀唐宋以來題名三首

維須彌山王不知幾由旬佛說有如是是名爲大身區區鑿山
骨曷足傳佛真况復清淨理不貴莊嚴新末世盛像設聊以驚
愚民慎勿更雕琢多事慈容嗔

大佛既巍峩小佛亦硯礫如禮彌勒龕窀入梅檀海遊人競題
名遠者闔千載姓名炳日星波礫足神采雷霆取不得風雨蝕
不壞惜未攜鹽椎收此珠百琲

深洞佛所憩絕壁人乃棲斧石作門闔椽杙爲階梯俯身接飛
鳥側耳聞天雞跬步苟蹉跌一落成粉齏我欲訪居者路絕無
由躋遙思古陶穴遺制猶可稽

涇州

地接伊涼迥寒生五月裘驛程更西去涇水自東流阿母猶遺
蹟荒王此舊游將迎慚候吏適館慰羈愁

六盤山

秦隴分山脉開通走傳車六盤名最著廿里路何賒溪澗重重
繞峯巒面面遮轉輪生四角循轍少三义詰曲穿珠蟻紆回赴

雙藤亭夏詩集卷上

壑蛇修塗方坦蕩怪石忽豁訝蜿蜒龍騰脊參差虎礪牙要應
推鎖鑰險合並褒斜斥堠逃邨樹琳宮繡野花半途休馬足暫
憩得山家木榻聊敷座羹甌罷喚茶籩條新結構餽小生涯
羨爾心無礙慚余念早差宦游多錯迂歧路一嗟呀

途次靜寧會亭潘大令

浩

遠出迎候次日至青家驛輒贈

長句一律並乞佳水

媿君遠道特將迎猶憶當時薦禰情君戊午鄉試出爲政要能
勤撫字立身自不負科名君以孝廉方正梯田彌望豐年象社
鼓爭喧樂業聲青家驛是日演劇我欲併煩修水遞井泉殊遜長官清

會寧人多蓄窖水濁不可飲

和馬秋藥抵掌噓二十首

并引

秋藥光祿偕合甥哲嗣共成抵掌八十一唵前會題五絕句茲

來陝右秋藥已刻於長安郵示一本復加尋繹見其命意則叩
寂課虛遣詞則窮形盡相借遊僊之逸格發思古之幽情雅尚
纖穠力追新異誠爲剗製竊願繼聲每息輪蹄輒操豪翰取其
題目盡和之得二十首

存七

李衛公聞扶餘國亂定知虬髯客已得事與妻張夫人
釀酒拜賀以詩志喜

碁局長安着已殘圖南風翩快鵬搏中原得鹿原非易絕島屠
龍亦大難君本張翁應帝制我根李氏也僊蟠而今中外區臣
主何日珊瑚拂釣竿

佛以定力攝魔母幼子寶伽羅覆琉璃鉢中魔軍竭力
搨之不得改意迴向誓不食人佛還其子而作偈言

梵天度世祇慈航一任羣魔肆跳梁刀劍光皆成石火琉璃脆

雙藤善巖詩集卷上

八

却是金剛漫誇而地妖氛惡爭敵漫天法雨香識得真空無我
相掌珠還爾又何妨

武夷君會鄉人於幔亭大合樂酒罷作詩示鄉人時秦
始皇二年八月十五日也

欲將廣樂傲嫦娥三十峯頭發浩歌塵世幾經龍虎鬪故鄉依
舊水雲多今宵我輩須行樂昔日童孫盡逝波竚待乾魚供饌
候下方又合換山河

馬援藁葬城西賓客莫敢弔會故人朱勃爲詩哭其墓
生平馬革矢忠忱竟使勞臣喪毒淫力疾壺頭空曳足構譏箕
舌最寒心西陲枉聚爲山米北闕猶存鑄馬金此日酬功祇坏
土教人那不淚沾襟

李喜與李舟吹笛瓜步江中有客求載並請吹笛其聲

清壯入破處，箇應指粉碎。恍惚不見疑，蛟龍精也。李舟以詩紀其事。

霓裳偷按久，無雙客也。何人別擅腔，入破數聲真。裂竹飛行絕，跡忽穿窗千。尋白浪，翻晴雪。幾點青峯壓，晚江我有孝侯三尺劍。擬搜窟穴踏奔瀧。

姚平仲隱居青城山，有樵人乞得草書一紙，攜以示人。蓋述懷長句也。

回思往事重嗟吁，亡命收身百戰餘。祇道奇功成脫兔，誰知祕計漏多魚。青霜紫電三生夢，春蚓秋蛇一紙書。惆悵中興消息斷，似聞卧虎亦騎驢。

陳至德元年，石龍郡洗夫人入朝後，主慰勞甚厚，命學士賦詩以寵其行。惟江總詩最工。

雙藤堂詩集卷十二

九

早知天命早心歸，巾幗英雄世所稀。昭代石龍盟帶礪，當年銅馬懾聲威。珠幢永作南州鎮，錦繖初從北闕飛。慚愧贈行無好句，可能傳唱到弓衣。

得京師消息，知雪蕉以酒病復發，暴卒。哭之以詩，用東坡次韻。子由病酒肺疾發韻。

別子逾十年，山林困饑臥。重逢憂患餘，慰藉日相過。知子適病酒，不復甘白墮。前年忽見招，佳賓突樂坐。鯨吞儼蠶食，吻燥劇腸餓。伯倫頰二豪，淵明戒一破。沉痾藥復萌，末疾種復播。大韶弛不張，酖毒蘊麴程。子春盧故良醫，稱藥辨使佐。二豎俄奔逃，保此要腹大。新除喜鴻漸，陳跡踏牛磨。十年前舊行走司也。我行出春明，驪駒迭倡和。謂當慙亨衢，豈意復坎壈。半載別未久，永訣痛無奈。心交餘幾人，又復弱一个。圭璧遽沈，種糠糝媿揚。

簸詩壇憶馳騁勁敵驟摧挫騏驥朽銅骨驚駘戀殘莖髮泣
藐孤遣經孰當課魂倘關塞來長謡楚人些

蘭州寓邸偶作二首

政拙原難劇郡膺當場傀儡強教登形勞案牘嗟何益氣識金
銀媿未能官舍荒於無佛廟客心冷似在家僧萍踪漂轉渾常
事却使空囊累友朋

族邸驚心欲歲寒直同漂泊向邊關宦情似葉將辭樹詩思如
雲嬾出山已遣窮鱗成誤觸爭教倦翼不思還平生豪氣消磨
盡遮莫霜華染鬢斑

雙藤書屋詩集跋後

余始入都謁靈石何蘭士先生尊人檢討君承命主其家所居卽先生書室今取以名集者也時先生官工部每攜曹司籍歸坐燈下計材之長短圍圓校所營者之高卑廣狹差分爲椽題節稅戶牖棖闕各究其用誤輒更之竊歎其工以爲居是官者固皆若是惡知先生之不欲吏售其欺始躬習其煩碎耶及官侍御所言事多見施行大臣又交薦之衆知先生不得久京秩矣顧獨以仕外爲憂先生豈絀于理繁而有所歉哉蓋人所欣羨者皆先生所甚不欲而其所欲爲者知必有沮焉而罕如所期願也旣而守九江未幾引病乞休再守寧夏甫一月爲駐防軍使誤牽解職益不自得遂疾事白疾已深矣改授鳳翔未履任卒方其再出也屢辭弗獲

上意殆終欲試諸地方而後

雙藤書屋詩集跋後

十

大用之也乃速奪其年志竟不展可悲矣夫余于先生家無不識者獨與先生最密歲壬戌後不更見每憶煮酒論詩夜分不寐忽忽二十餘年如前日事而先生歿已久矣今來先生次子耿繩涓南官舍復讀先生詩所未見者僅三卷因識先生生平于後至詩之瀟灑空澹則先生友人序之詳矣不更贅嗟乎先生豈第欲以詩名于世者哉道光八年二月朔桐城姚景衡跋

月波舫遺稿序

月波舫遺稿者何蘭士先生長子春民作也春民既卒肅寧縣任之次年其弟玉民輯以相示蓋余與春民昆季交已閱三世矣余之始入都也謁其祖與父春民甫十齡繼見其學爲應制詩文繼見其時就余室質疑信繼見其出應京兆最後則方居蘭士先生喪雖知其工于吟詠顧未嘗睹嗣是不更見第聞其與弟先後舉京兆又同捷禮部出令一邑焉道光八年余來玉民官舍與通信問蓋不相見者已二十年旋聞其病且劇俄而凶問遽至年四十有五焉耳悲夫春民以貴介少年沉潛經籍不墮其家學又能以慈仁廉潔持其躬導其吏民謂非何氏之佳子弟乎哉嚮使春民入詞館司

記注與諸名人宣道

月波舫遺稿卷一序

聖德歌詠太平豈不甚善而無如其不可得也且俾其年之不永余竊怪夫天之以才畀春民轉迁其位置使至于斯也果春民有所鬱鬱于中而不能自每其生也耶抑氣數使然有非人之所以能自主也耶顧余老矣旣哭其祖與父今又含淚以訂春民之詩能不悲歟能不悲歟用是序而歸諸其弟道光九年立冬日桐城姚景衡序

秋夜讀伯兄月波舫遺詩泫然有作

何耿繩

落葉滿庭宇皎月凝清霜我心慘不懌手足增悲傷壘篔簹憶迭

奏唱和鳴鏗鏘形影三十載日伴書燈傍求黠大小山名譽差

頡頏鹿鳴賦京兆先後廢笙簧南宮擢花萼繼武先芬揚

乾隆丁未指燕冀各宦天一方悠悠六載聞千里時相望青雲兩驂駕直北

路期騰驤何遽玉樓召去作修文郎朔風吹斷雲旅雁難成行

飛霞集高柯荆樹難爲芳鵲鴿在原野弔影愁孤翔我持一卷

詩到眼心傍俚爲讀病中吟身世憂茫茫再讀寄我作別離苦

久長一讀一歛歔讀竟摧肝腸毋煩誦棠棣淚灑沾衣裳

月波舫遺稿

靈石 何熙績 春民

鴻漱大兄

榮緒

春舟三弟

炳彝

自粵西入都悲喜交集信

筆書此

浮雲蔽雁行顧影何參差荆樹當戶植北風搖其枝同心兩三人中道成乖離乖離亦無苦人事傷遷移昔從萬里去今從萬里來瘴烟攜滿袖蠻語相驚猜此會一何幸此會一何悲痛余失所怙鮮民歌哀哀遺書盈一匣音容渺難追憶昨凶問至驚呼肝腸摧婉婉嗟子季匍匐天西陲麻衣裂朔風痛哭憑棺歸晚晚梁間燕梁摧燕何依婀娜松下草枯草亦萎牛眠渺何許漆燈但蒿萊艱難復家計更累慈親慈遠歸得兄弟悵望灘江涓示我伯父書諄諄遠致詞言我與汝父少長無猜疑今忽

月波舫遺稿卷一

弱一个北望涕漣漣庶幾有令子以慰在遠思汝父好讀書經訓乃爾垂汝苟不自立九泉實痛之汝父古廉吏清白實爾貽汝苟墮家聲厥體實自虧前跪竟此詞淚落如縷糜寒暄勿復道相對慰孤羈

哭即漢溪

汝琛

學正

乍聞凶耗涕漣漣不分斯人竟至斯病到難醫惟懺佛貧無長物祇餘詩一官落拓心如水半世飄零鬢已絲慘絕無年更無子茫茫天意果難知

握手燕臺經半載與余投分見深情那堪蜚駟依為命早見龍蛇厄此生陟入膏盲緣翹藥折除福命是聰明屋梁月落增惆悵忍聽山陽短笛聲

殘暑

殘暑不肯歇當秋仍未歸憐余非熟客何處避餘威午夜百蟲語寸心三徑違逕思河朔飲風雨掩柴扉

八夕

昨夜雙星會微雲度鵲橋伊人隔秋水離思耿良宵月色明依舊銀河淡寂寥支機餘片石有客赴征輶

新秋和查南廬

世官韻

一院蟬聲催去暑嫩涼衣袂幾回增高吟大有悲秋客枯坐渾如入定僧繞砌蒼苔留宿雨隔窗修竹漏孤燈三更好作尋秋夢夢入西溪策瘦藤

斷霞深處漏微紅挂笏西山翠掃空釀雨雲疎微露月欹牆樹老不禁風身當新沐涼先覺詩爲合秋句易工更喜牆東苦吟客此時清興與誰同

秋懷和昌黎韻

月波舫遺稿卷一

二

秋聲散高空萬籟淒以警感此夢魂醒坐覺更漏永雲陰幕天黑雨勢撼窗猛岩電掣金蛇簷瀑挂脩綆觀空悉萬象清景得天幸爽氣霎然來能使俗緣屏

同人遊棗花寺

秋聲破殘夢侵曉出柴關言訪城西寺遠看原外山當門秋樹古過雨野花殷坐久鐘魚寂昏鴉趣客還

王陽明先生像

大道日榛莽誰與開羣蒙活國有真手肉食皆凡庸斯文不終喪維天實生公公也三不朽立德言與功抗疏誅大闢直聲何隆隆請兵靖大逆談笑無伏戎勳業在天壤造化歸寸衷惜哉伊呂佐所事乃武宗功成退无咎寂寞還山中明心以見性道

統如發矇胡爲夸毗子羣起交相攻講學證濂洛聚訟紛異同
所學究何在試之恐輒窮我今展遺像再拜增虔恭私淑復何
敢彷彿精神通

秦良玉錦袍歌

將軍慣向沙場死石砧孤軍號娘子男兒本自重橫行錦袍獨
賜秦夫人夫人一身能報國貌本如花心似鐵壯士團成白杆
兵同心誓殺黃巾賊紛紛流賊下西川遂使錦袍黥無色鬚眉
堂堂六尺軀揚戈躍馬何其都賊來且復閉門守豈獨維新非
丈夫金甌破碎真堪痛夫人掃境終無用全家留得未亡人錦
袍尚說君恩重吁嗟乎有明養士三百年將傾大厦誰仔肩補
天賴有女媧手奇謀不用空遷延發也已甘膺下死煌煌事業
垂青編試啟篋中展遺跡粉痕血淚光熒然

金臺懷古

撫劍忽不慄去上黃金臺督亢山川在眼底霸圖消息空蒿萊
憶昔昭王禮賢士賢士請從郭隗始不惜死馬酬千金七十二
城齊下矣報仇曾不庸崇朝劇辛樂毅非凡曹不貯黃金不肯
至聲價直與臺爭高舉曰河山經幾主易水蕭蕭自今古卽今
豈必無賢豪屠狗紛紛安足數

文信國琴榻本

背鐫絕句云松風一榻雨蕭蕭萬里封疆
不寂寥獨坐瑤琴遣世界君恩猶恐肚懷

消時景炎元年蒙恩召入道問夜宿
青原爲感懷之作譜入琴中識之

桐材七尺摹榻精文山遺墨光晶瑩二十八字銘厥背景炎年
號書分明想當丞相被留日亡歸幸未囚燕京青原夜宿感羈
旅松風一榻瑤琴橫此詩或於此時作未免變徵兼商聲間道
倉皇謁新主半壁江山費撐拄豈知天意已亡宋厓山一敗摧

天柱不能保趙家一塊肉不能等趙家一塊土六宮齊唱念家
山帝子魂飛愁北渚此時丞相被拘執土室幽囚歷寒暑全家
星散歌亂離譜入琴中聲更苦談笑從容就柴市大節凜然照
千古當年一履爭寶藏此物人間落何處同時猶有汪水雲黃
冠野服歎離羣援琴試作招魂曲河滿聲聲不忍聞

覺生寺大鐘歌

覺生佛寺曾家庄琳宮級級依平岡我來郊坰訪遺跡鐘樓突
兀連穹蒼此鐘徑長十二尺萬間大厦懸中央形質斑駁得古
意摩挲自發青碧光法華諸品鑄內外點畫疑有蛟龍翔憶昔
金川燕飛入燕都定鼎恢乾綱少師奉勅鑄法物輸金鼓冶煩
工商鑄成不知經幾載作何用處難叅詳毋乃忠良慘殺戮仗
此懺悔皈空王或恐諸藩效竊發收兵故智追秦皇不然景陽
樓上置一聲催起宮人粧後來神孫建大刹經營移置憑貂璫
寺名萬壽鐘萬石所期國運同久長豈知金甌撞缺不可補華
鐘委地無復聲嗶嗶 聖人駐蹕動懷古此鐘幸得邀 宸章
華嚴覺海 賜題額警醒聾聵功難量六時考擊大聲出響與
梵唄同鏗鏘我欲長吟寫枚篆愧無椽筆增傍徨興闌一笑出
門去蒲牢隔樹催斜陽

冰嬉

朔風一夜堅流澌玉河堆出青玻璃何來健兒好身手短衣縛
袴熊熊姿脚底著鐵鋒如錐臨深履薄何坦夷初時山立頭疑
疑翩然決起影忽離飛行勢欲千里馳如鷹掠地魚縱池如弦
激箭馬脫羈兩岸山海忽倒移耳後但覺長風吹層冰砌就白
玉墀中劃一線刀切泥人已莫知其所之著翅疑已乘風飛我

朝三軍日整治拊循不啻挾纊施如斯妙技稱絕奇此意由
來通戰法拔河超距皆兒嬉明年春水方生日又向昆明習水
師

待雪

元雲如墨潑庭隈醞釀瓊花計日開料理茶鐺供滄苔安排風
帽爲尋梅蒲桃酒已消寒具稍柶爐應隔夜煨更屬奚奴先縛
帚明朝掃徑故人來

夜坐吟

無事此靜坐不覺夜已午丁丁滴殘漏坎坎聞暮鼓日間人海
何所營於市爭利朝爭名夢裏繁華易消歇此時不聞車馬聲
但見晴天淨烟霞皎然月挂簷前樹驚鳥繞樹向南飛揀盡寒
枝無宿處燈光將燼漏將殘中夜百感來無端丈夫會有四方

志起看北斗橫闌干

月波船遺稿卷一

五

閔思曼孝廉

志

人都兼題其含菽齋詩集

燕臺握手倍情親但憶前游各愴神客路飄零增世感詩懷澹
蕩見天真古來大雅誰知已海內名家有幾人明月二分橋廿
四輪君獨占廣陵春

我翁當日佐文衡好士心爲國士傾每說元瑜工筆札喜收巨
濟作門生才艱一第噲流俗胸有千秋薄世名料得看花消息
近新詩正好壓羣英

迎春次查南廬韻

乍聽庭前雀啞聲春來且當故人迎魚鱗水解經時凍卵色天
烘竟日晴生菜堆盤聊佐酒宜春書帖自題名傳柑舞蔗須行
樂莫使韶光暗裏更

送許果園夫子南旋卽次留別元韻

故園松菊日相期早向西風唱別離
歸路有山尋舊約輕裘無物祇新詩
鸞飄鳳泊都陳跡橘綠橙黃正及時
一任素衣緇化盡此心肯爲世情移

十年名字滿長安拔幟曾登大將壇
下第劉蕢豪氣在還家江令宦情闌
帷中何日風重坐蓬背今宵露已團
料得幽居舊吟榻滿山樓閣晚楓丹

送查南廬南旋仍次前韻

門外驪駒惜別聲蘆溝新月解相迎
天涯雁影分南北客路風光雜雨晴
背樹祝登無量壽西湖重訪舊題名
江鄉伴侶都無恙剪燭應同話短更

求友年來喜應聲詩場酒國日逢迎
一窗燈火聯新雨三月鶯

月波船遺稿卷一

六

花坐晚晴燕子悲歌空壯志銅街拓戟博狂名
明年京雒重逢日細認鴻泥跡未更

擬琵琶亭懷古

一葉潯陽送客舟荻花瑟瑟水悠悠
江州自有青衫恨不聽琵琶亦淚流

關山月

關山月邊月照邊人邊人去不反影
隨邊月遠歲歲復年年家山望渺然
共看今夜月不共月常圓

子夜夏歌

郎情癡若雲儂情醜於酒團扇比妾心
動搖任郎手

反遊仙

白玉樓成賦不回鬼才今竟作仙才
如何天上無文士却要人

問應召來

裁衣曲

料量刀尺故遲遲費煞停鍼不語時欲覓平時寬窄樣恐郎愁減舊腰支

醉歌行送劉四青園

前年逢君臘嘉平我初釋服君成名去年把手重陽夜君上春官我報罷春風開遍長安花嘆君亦復遭疵瑕升沈榮落究何有且盡筵前一杯酒是時日落微風和皓月晶晶舒晴波杯中澗灩翻銀河在來屢舞身婆娑請君擊筑爲我歌我請酬君金叵羅君忽不語顏苦低券驢門外當風嘶我欲留君不肯住觸熱徑向并州去從此有酒誰開樽君飽風沙我閉門今宵不醉誠可惜他年對酒枉相憶人生聚散等搏沙有約追歡定何日君不見出門便有萬里程歸肩纔息又榕城

初見雪和東坡大雪答趙薦詩韻

雪天一事無雪詩迭廢和滿研冰難開十指出無奈寒鴉噤不鳴東雀翻欲墮銀海耀光明玉塵遠揚簸去年一冬晴不復堆燦瑳偶然微霰飄珍同麪出磨坐使物價騰米鹽等奇貨今冬十月間寒氣不可挫畏風頻塞向避冷屢移座哀此無告人門外幾偃卧農夫慶膏澤窮民丁坎坷而我閉門居衣履不沾泥進酒可添箒一笑凍顏破有客共圍爐勸作梅花課振袖出新詩強詞壓寒餓命筆聊解嘲預爲豐年賀

荆卿墓

荆卿倚柱笑秦王繞殿走醫者一藥囊乃勝一匕首蕭蕭易水無了期此墓恨不依要離英雄千載同傷悲君不見漸離筑博

浪堆

銅雀妓

春深銅雀鎖娉婷
賣履分香事杳冥
到底不知埋骨地
對誰歌舞與誰聽

西施詠

浣紗遺跡杳難尋
響屐廊空恨獨深
至竟吳亡誰早覺
英雄雙目美人心

題朱野雲

鶴年補柳圖

崇文門外拈花寺
傳是廉公休沐地
相公未老賦閒居
別墅營成娛晚歲
園中遍地植名花
沁水平泉未足誇
更將萬柳圍春住
不放春光到別家
華筵時向花間敞
松雪疎齋共心賞
座中復有解語花
勸酒新詞引清吭
轉眼繁華剩劫灰
奇觀臺名清

月波舫遺稿卷一

八

露齋名盡傾潰不聞驟雨新
荷曲惟見荒烟蔓草堆
勝會匆匆憶前度
柳絲不繫斜陽住
前輩風流且莫論
萬柳於今無一樹
野雲山人好事者
補柳栽桃已拱把
花朝上已集名流
卧酒敲詩恣游冶
我以長安冷落人
閒題往事不勝情
明春攜酒濃陰下
坐聽黃鸝弄好聲

落葉得落花無言四首

淅飈震天宇萬響一齊作
敗葉隨風飛漫空
任揮霍欣欣方向榮
械械已搖落
榮落樹豈知感我心不樂

予心亦何苦動此歲晚嗟
白日易西匿少壯寧足誇
不見庭中樹不見窗外花
芬芳能幾時枯枝啼暮雅

雅啼一何急似訴濃陰無
急響打窗紙迴風聚庭隅
呼童且莫掃任彼堆堦除
忽聽履聲碎有客來于于

坐中客已去夕陽明前軒出門恣游眺遠見林外邨繁華歸刊
落生意蟠其根榮枯遞相禪至理誰能言

寒夜有懷劉四青園山東

我生足不出庭戶君乃奔走天之涯東西南北無定向以車爲
屋船爲家昨應禮部試走上黃金臺解鞍卽詣我握手心顏開
三月棗花寺牡丹開萬朶花大於盤爛於火酌酒評花詩句妥
六月積水潭荷花千柄紅天香樓上酒一中乘此萬頃玻璃風
碧筒倒吸銀河空卽今苦嚴寒閉門亦何有同心兩三人圍爐
共尊酒酒酣盡說青園劉往日清歡今憶否前日接君字上言
長相思人事更家累酬應百不宜君旣不稱意我復何所爲盡
我紙百番與君作報書胸中千萬言下筆一字無聊復爲此詩
寫我兩人情好殊詩成仰天一大笑虛窗月落啼寒烏

陳梅田

彙

以令叔岑園先生畫蘭幅並陳氏聯珠集見贈

輒用山谷集謝斌老子舟送墨竹兩疊詩韻謝之

尺波舫遺稿卷一

九

世人學畫蘭傳者凡幾輩斤斤守畫譜形似苦不逮君叔岑園
公落紙有神會家法鳳梧軒與古法無背一幹並一花中有生
意在子固松雪間筆力頗能配但寫君子真不期俗人愛空谷
佳人姿頌取筆墨外以之懸國門價或百金倍感君持贈我見
此好風態珍重張素壁默坐靜相對如聞王者香十步襲來大
海內人文藪名家不數輩學海富波瀾崖岸執津逮峩峩九華
山靈秀所鍾會君家面山居山意不吾背讀畫與論詩各有一
編在挺挺筆數枝高與九峯配文星聚一堂君才尤可愛每當
新詩成盡出人意外我坐讀書少出語苦鄙倍東施不自醜強
作捧心態邇來迭酬唱親若履相對強韻索和章小巫敢見大

輶爐

簾幙沉沉晝不開，薰爐安放竹窗隈。
燒來或借陰陽炭，磨出應無薜暴材。
寒具頻煨宜土墼，濁醪親煮試瓌杯。
遠勝小火紅泥熟，老瓦盆邊醉一回。

茶鉢

乞取東坡調水符，安排石鉢煨爐新。
泉盛滿，彭亨腹暗浪翻成。
錯落珠活火聲，輕吟蚓竅麴塵烟。
細漾蝦鬚玉川，大有旗鎗癖七椀，應教燥吻濡。

風門

雪浪糊門扇，掩雙空庭冷氣已全降。
狂風不動犀紋，押皓月平分蠶殼窗。
小几金猊烟影直，虛簷鐵馬夜深撻。
閉關却省歲鞋鎖，屈戍無聲對短缸。

月波船遺稿卷一

十

暖炕

布帷深掩更添薪，夢到華胥失嚮晨。
莫以火攻爲下策，不因人熱自通身。
負暄漫詡黃棉襖，炙手還施紫錦裯。
頭腦冬烘應笑我，日來枕簟頗相親。

倒掖氣

器小於罍薄於紙，鍊取春冰裁作底。
柄長腰細腹彭亨，璀璨瑠璃耀都市。
白塔寺西廠甸東，攤錢爭買喧兒童。
羅列如竽吹一頓，覺口角生春風。
掩唇抵舌如含教，技獍更能代以手。
兩手翕闐氣吐吞，宛似清音脫諸口。
祛病還將掖氣名，味啖數聲圓且輕。
笑爾腹中何空洞，晷通呼吸便爭鳴。

口琴

琴身兩股鐵鑄堅，青銅一道爲琴絃。
絃端揉之使曲，卷鼓之以

指聲冷然宮商角羽隨口宣一呼一吸五音全呼如考擊鐘簾
懸吸如幽咽鳴流泉此中口技妙不傳窗前小女髮垂肩繡餘
持向春風前輕挑漫撚清而圓聽之亦足醒醉眠移情何必需
成連

空鐘

耳畔忽聞嘯怒虎抑塞聲來自何許起看兒童作戲劇手把空
鐘力爭努截將嶰竹爲兩筒朱絲一縷懸當中非銅非鐵名曰
鐘非考非擊音春容手捷於輪兩相搏風力盤旋如鼓橐烏烏
驚起樹棲鴉誤認城頭吹曉角

太平鼓

六街簫鼓繁音歇舞蔗傳柑歡未徹嬉春兒女鬧燈前臘鼓
鼗一聲發薄皮幪面丹青塗不與衆鼓同形模製成紈扇攜來
便比似通同部總殊鐵環四五懸其腳革動金隨相間作細杖
輕敲調正和驟如雨點塔前落漁陽捺搥搥氣不平花奴急響亦
悲鳴何似元宵太平鼓就中敲出太平聲

良鄉早發

鷄聲催旅夢茅店不成眠作客新春裏驅車大道邊孤星明替
月叢樹遠疑烟北望長安近悠悠離思牽

涿州道中

凹字城邊路南轅北轍分胡良流浩浩車馬走紛紛落日淡無
影遠山都化雲道旁遺碣在共說漢將軍

北河謁椒山先生祠

十大罪濟五奸卓哉一疏上奸相心膽寒同時沈束亦如此沈
束不死公竟死死與不死何足論忠魂浩氣應常存

保定道中

計日歸心切前途望眼賒酒邊春破悶夢裏客還家天遠烟堆
樹風高雁聚沙一聲驚曉睡城角起清笳

阜城驛次壁間韻

回看直北是神州千里遙程此暫留作客情懷宜小飲嫩涼天
氣似初秋五更破夢餘殘睡一路看山抵勝遊聞說前途泥沒
輟勞勞車馬不勝愁

渡滹沱河暮宿獲鹿旅店作

曉發中山郡滹沱繞郭隅水深呼渡急沙迴得風麤野店窄堪
憇邨醪清可沾山靈應識我相伴客情孤

滹沱懷古

光武中興應赤符薊城趣駕走蕪蕪烽烟盜賊連三輔麥飯君

月波紡遺稿卷一

七

臣進一盃天意終須燃滅火王郎空自作前驅他年河北恩難

負故與將軍禮數殊

獲鹿早發

路入蓮山第一程逕盤曲折石崢嶸山靈許我窺全面萬朵芙
蓉馬首迎

軟紅塵外趣歸鞍潑眼嵐光馬上看一樣新春好天氣南山晴
暖北山寒

由井陘至板橋

侵曉趣山程山氣撲眉宇初入路坦夷車行無齟齬但覺衣袂
間空翠落如雨忽驚兩壁對徑細入脩阻亂石橫卧轍人馬力
爭努務進退乃速一步百鈞舉攀躋到絕頂筋力亦已苦當年
敗趙兵赤幟立何許向用左車謀淮陰豈難拒區區成安君腐

儒焉足數臺下泝河流正立不敢俯失足有蹉跌一墮安可取
日暮投前邨酌酒慰羈旅坐念垂堂戒惻惻動心膺

栢井驛

崖陡逼我身石怒攢山脚危哉驢背上性命其爾託踏鐵互擊
敲星火迸閃爍驚詫或失聲巨響谷中作壑底回腥風塵砂雜
相虐茲恐虎豹藏深黑鬱林薄耳聞徒侶喚氣懾不敢諾行行
望前途炊烟起邨落出險心始夷仰視天宇闊

山行

山行風景少塵喧歷碌征車度曉昏千萬疊峯疑斷路兩三間
屋自成邨溪邊虎跡兼人跡石上霜痕雜雪痕且喜居人農事
早離離麥秀滿平原

到家

五年京雒未言歸此日邨居暫息機親舊姓名多半忘心知面
目已全非競開春籥邀新侶閒倚青山看落暉燈火漸昏車馬
散蕭然明月掩柴扉

胡素亭

定生

秋堂

齋生

昆玉入都作此柬之並寄劉四青

園山東

憶昨相逢歲乙丑方雪齋中一尊酒爾我翩翩俱少年交深意
氣凌雲烟我翁與若翁後先官朔方君也隨親隴西去我尙滯
跡宣南坊豈知彈指七年別中間人事悲滄桑丙寅之年我奉
諱感爾一棧遠相慰前年京邨逢劉郎說君亦服三年喪道遠
惟憑尺書信從此燕秦消息斷今春我曾辭 帝京見君旅壁
新題名知君已返倦游翼全家來傍金臺側握手正及新秋時
君顏尙朱我有髭瑠璃街西下幽築機雲分住東西屋兩家門

巷忙游驂有酒共飲花共探但使雲龍永相逐一日一醉吾猶堪百年三萬六千日日日日追歡那能必君不見人生聚散如浮漚坐中又少青園劉

漢河間獻王君子館甄爲肅寧苗仙露茂才賦

金史地理志河間縣有君子館今郡城西北三十里尙存遺址縣志稱漢毛公設教處邑人因建毛公祠於此其毘連之村卽以詩經爲名肅邑諸生苗仙露學植謂毛公爲河間獻王博士君子館當卽王所築丁亥秋以一甄示子上鐫隸書君子二字云得之垣城南定爲君子館之所遺按垣城村爲秦武垣故城去君子館五十餘里或故館殘甄經土人輒轉移運至此亦事之所有且字體與今所傳漢碑波磔無異甄質亦厚重渾堅定爲漢物因拓其文並

月波坊遺稿卷一

十四

題長句

賢王好古兼好士宏開大厦延諸生諸生者誰毛與貫搜羅正義傳葩經當時築館號君子于雅雅來羣英此館於今在何許剩有瓴壁鐫其名石渠之閣白虎觀同此湮滅難追尋苗君示我甄上字令我頓發思古之幽情未央宮殿高嶙峋銅雀臺址臨漳濱時有瓦當出諸土遺跡得自耕夫耕延年長生與毋極獻諛貢媚徒紛紛何如此甄並此字萬古不磨君子稱君子不見見此物湯盪孔鼎應同珍苗君得此好藏弄勿令過眼如烟雲

送苗仙露茂才入都應京兆試

君卿甘寂寞長日閉門居不入宰官室誰知處士廬案頭君子麈床上古人書咫尺衡相望何緣踪跡疎

遇合原由命文章自有真如君才可數莫謂世無人擔石籌家計科名爲老親俸錢分助汝去去莫因循

讀船山詩選題後

不唐不宋不元明白關蠶寫性情奇氣盤胸無古法新詩題壁總悲聲買生痛哭陳時策杜老酸吟賦北征奪得鬚蘇一支筆峩岷山色兩崢嶸

戊子八月病後排悶

乞得七品祿原期養老親那知從宦拙更比在家貧有弟能爲政無才愧對民自憐更事少不敢怨尤頻地僻事偏雜心勞神亦傷病多疑藥誤人瘦覺衣長身世謀原拙詩書業久荒明知全鑄錯強起慰高堂

秋日同白石若少府兆士王春嶼孝廉洽遊王氏園

月波船遺稿卷一

十五

經旬臥齋閣因病得閒身出郭不逾里到門無限春盈畦肥菜甲隔月探花辰聊以適吾興何須問主人

軒敞三間屋棲遲暫避囂花繁侵路窄壺語入秋高不可居無竹爲歌園有桃蕭邑桃之美者甲於深州諸處居民苦於重陽

應到此相約共題糕

寄玉民弟渭南

每逢渭南使說爾好聲名折獄無留牘安民本至誠當今重儒術努力繼家聲上考何須計行看政蹟成

笑余亦縮綬葺爾此輿圖土瘠年無稔民窮賦屢逋要期編戶足敢惜一身臞守拙安吾分從人說腐儒

少長京華住晨昏不暫離那堪千里別已及五年期子有添孫喜書來慰母慈團圓定何日共奉北堂卮

棉花

遍地黃兼白，寧同野卉看。此花能結實，天下不知寒。日暖桃千
粒花結實如桃風搖雪一團，傾筐喧婦女。采擷敢偷安。

為誌東州利農夫，務孰先謀生。須此物問富數，其田歷歷民風
繪煌煌

睿藻宣我思，方恪敏遺惠。到今傳方恪敏公為總制時繪棉花
圖以進恭邀高宗御筆題

詠兼圖勒石
蓮池書院

贈苗仙露度歲

絃歌我愧言游宰，剝啄誰敲子羽門。薄俸助君聊度歲，不須乞
米向平原

